

香山縣志卷之十

知香山縣事申良翰纂修

邑人何源澤編輯

外志總序

祥異

寺觀

澳彝

藝術

述聞

仙釋

序曰外志者何為其非內也而外之亦謂其由內而之焉者也為其非內也而外之於是乎有澳彝有祥異有寺觀有仙釋有藝術有述聞若是者舉非內也謂其由內而之焉則澳彝者由疆域戶口而之焉者也祥異者由天文分野而之焉者也寺觀者由公署學校而之焉者也仙釋者由名臣名賢而之焉藝術者由高士義勇而之焉述聞者由藝文而之焉者是蓋招攜懷遠之道於是乎出祇畏修掾之心於是

乎生神道設教於是乎興貪媮賊殺於是乎息曲學小技可以觀所用心所見所聞所傳聞可以助流政教又安見外焉者之遂無關於內治也哉作外志第十

香山縣志

卷之十

一

由前山村而南二十里曰濠鏡澳未至三里為關萬曆  
二年建設聞官守之闕聞上為樓三間歲久圯知縣申  
良翰重修其旁官廳二間申良翰建澳中彝人聚處雜  
以唐人黑鬼則皆聽澳彝驅使者也先是番舶泊無定  
所率擇海濱地之灣環者為澳若新寧則廣海望峒香  
山則浪白濠鏡十字門東筓則虎頭門屯門鷄棲嘉靖  
三十二年番舶趨澳鏡者托言舟觸風濤水清濕貢物  
願暫借濠鏡地晾曬海道副使汪柏許之時僅草舍數  
十間後商人牟奸利者漸運磚瓦木石為屋若聚落然  
自是諸澳俱廢惟濠鏡獨為舶藪矣萬曆中督撫奏請  
就其聚廬中大街中貫四維各樹高柵榜以畏威懷德  
分左右定其門籍以口燹明王慎德四譯咸賔無有遠  
邇畢獻方物服食器用三十十字分東西各十號使互相

維繫譏察毋得容奸聽海防同知及市舶提舉司納束  
四十一一年海道俞安性詳請兩院勒碑禁約澳彝畜倭  
畧曰倭性狡鷲澳彝畜之為奴養虎遺患害將滋蔓本  
道奉勅受事憑籍兩臺制馭巡澳察彝追散倭奴凡九  
十八人還國除此蝨賊爾等遂得相安樂土此後市舶  
不許夾帶一倭在澳諸彝亦不得再畜幼倭違者倭與  
彝俱摘解兩院軍法究處四十二年海道禁約畧曰澳  
彝驕悍不法議者有謂必盡驅逐以清疆宇者有謂移  
出浪白外洋不容盤踞內地者本道念諸彝生齒蕃衍  
不忍其纍纍若喪家之狗當於巡澳日申以國威隨皆  
弭耳向化因摘其犯順五欸行香山縣遵諭約束免其  
驅徒詳奉兩廣部院張巡按御史周五欸准勒石立碑  
永為遵守今附載如左  
一禁畜養倭奴凡新舊彝商敢有仍前畜養倭奴順

搭洋舡貿易者許當年歷事之人前報嚴拿處以  
軍法不舉一併重治  
一禁買人口凡新舊彝商不許收買唐人子女倘有  
故違舉覺而占悛不法者按名究追仍治以罪  
一禁兵船編餉凡番船到澳許即進港聽候丈抽如  
有拋泊大調環馬騮洲等處外洋即係奸刁定將  
本船人貨焚戮  
一禁接買私貨凡彝趨貿貨物俱赴貨城公賣輸餉  
如有奸徒潛運到澳與彝執送提調司報道將所  
獲之貨盡行給賞首報者船器沒官敢有違禁接  
買一併究治  
一禁擅自興作凡澳中彝寮除前已落成遇有壞爛  
准照舊式脩葺此後敢有新建房屋添造亭舍擅  
興一土一木定行拆毀焚燒仍加重罪

香山縣志

卷之十

三

按澳門舊有提調備倭巡緝行署三所今惟議事亭  
凡文武官下澳率坐議事亭上彝目列坐進茶畢有  
欲言則通事番譯傳語通事率閩粵人或偶不在側  
則上德無由宣下情無由達彝人違禁約多由通事  
導之或奉牌拘提輒避匿關闡歲放米若干石每月  
六啓關廣肇南韶道發封條六道令文武官會同驗  
放事已封關我

國家之待遠人者可謂至矣若信聽通事驕悍違禁窩  
逃人買子女一旦閉關遏糴必致饑殍流離欲如此  
日之晏安豐富豈可得哉

彝俗貴女賤男生女則喜長則贅婿入其家為後生  
男出贅他氏奉天主教尤謹樂施予以故建寺獨多  
有三巴寺賣家私寺大寺飛來寺發瘋寺風汛寺板  
樟寺龍鬆寺醫人寺尼姑寺望人寺

唐人寺花王廟而崇閔瑰麗以  
三巴寺為最

祥異

宋淳熙十一年大旱明年饑詔有司賑卹慶元五年

大水開禧元年旱詔賑之嘉定十四年旱淳

祐五年夏五月晦颶風大作夜潮不得復駕晝潮

沓之滯潦暴至瀕海室廬俱在四尺民多溺死寶

元祐元年夏六月旱祥興元年秋八月星隕於海

饑至元十九年夏六月大雨水海溢傷稼延祐八年

至正二至治二年秋九月地震至正十八秋大水

軍至後征南將軍廖永忠帥師入廣州民訛傳大

明洪武元年春三月彗星見於南斗縣民鄭榮叟歸附

五年夏四月地震二十八年大旱二十九年旱

永樂二年冬十一月民居大火七年夏五月大雨

水害稼九年大有年二十一年秋九月嘉禾生

香山縣志 卷之十 四

於龍眼里宣德元年秋九月大雨水十年冬十

一月雷正統八年秋九月大饑詔義民出粟賑濟

者冠帶榮身千石以上者璽書旌門十三年秋八

月民訛言石岐浮人截頭明年黃蕭養作亂景泰

元年龍眼里大欖二村不播而穫曰櫓二村民以黃寇脅從致水軍之討無妄之變也七年秋八

月戊戌朔卿雲見天順五年大有年成化三年

秋大饑斗穀值錢六十六文錢法大阻好惡皆二當

一曰掛索錢八年春正月旱十年秋七月大雨

水多被傷者秋冬疫十七年冬十一月壬辰冬

至夜破大雷電雨二鼓盡乃止是年虎暴連年畜疫未息猪雞牛

甚十八年畜疫秋九月地震雷十九年夏五月海

潮溢壞瀕海民居傷稼二十一年夏霪雨一月蟲

食禾節歲歉秋七月饑二十三年春不雨夏

四月疫 五年庚申地震有聲 虎暴附郭及龍眼  
都甚 弘治元年春正月丁酉震雷 有蜚早禾不  
穫 夏四月不雨至於八月晚禾不穫 饑 三年  
虎暴龍口谷字二都甚至有相食者泰常都傳沙魚變虎四月有豹舊為黃山有之至是忽在在皆有為冬十  
二月芝草生生於儒學西號廢垣一木三莖五葉高大俱五寸五年夏六月無雲而震  
冬十月辛酉雷電雨如春甲子夕陽而雷昏而電雨  
甚夜分乃止乙丑列風匝日 六年虎暴谷字都甚七月  
畜歿自壬寅至是羊牛猪十年秋九月壬戌雷電甚雨越三日  
雷電雨如春 十三年大有年 十四年春不雨四  
月雨始電 正德三年饑 九年秋八月颶風害稼  
十四年春二月丁卯雨雹暴雨連旬夏五月不雨至於秋  
九月晚禾不穫良得二都饑饉冬十月丁卯雷電雨如春 嘉靖二年  
秋八月丁巳方釋奠忽颶母亘天大風拔木摧屋縣  
學櫺星門毀 四年蓮塘民鄭七仔妻一產三仔

香山縣志

卷之十

五

七月春正月不雨至於夏六月 八年秋八月颶風  
傷稼晚禾不穫九年饑 十四年夏四月大水 十五年  
饑 十八年冬十月地震 二十三年夏六月颶風  
大雨水城東南墻堞盡壞 二十五年秋八月颶風  
傷稼大壞舟楫民多溺死陂地隕決魚皆散逸 二  
十六年丁未春霑雨秧苗凍死歲饑 二十七年戊  
申水災田稻失收 二十八年己酉三月朔日食  
三十年辛亥三月雨雹九月颶風傷禾稼 三十二  
年癸丑正月朔日食蟲傷早稻歲饑 三十六年丁  
巳二月雨雹六月三十日地震 三十七年戊午春  
旱蟲傷稼七月初五日地震 四十五年丙寅正月  
初十日日中有黑子五日乃滅早禾蟲傷七月潦水  
大至米價騰湧 隆慶二年戊辰二月初十日雨雹  
大風三月天陰無雨四月十二日潦水至早禾半收

三年己巳六月二十九日颶風大水壞房屋九月三  
十夜旄頭星見西方長五六尺四年庚午正月朔  
日食二月十九日雨雹五年辛未九月颶風作水  
大至歲饑六年壬申春旱夏潦六月朔日食歲大  
饑萬曆元年癸酉七月八月大水傷禾十月初十  
日雷電大作五年丁丑立秋後蟲飛食苗盡白九  
月二十三日申時彗星見西方尾長五六丈白氣亘  
天至十一月中漸暗不見八年庚辰二月初一日  
食九月彗星見西方九年辛巳九月初一日食十二  
明星不見十一月癸未十一月初一日食十二月  
年甲申六月朔日地震七月朔復震十三年夏四  
月大旱九月大水十四年大水蟲傷稼二十一年  
年七月雨雹如石壞屋宇二十九年九月大水冬  
詔免明年夏秋田糧三分之一四十六年戊午六月

香山縣志

卷之十

五色雲現於小欖八月旄頭星貫太白十月彗  
星疊見四十七年己未春熊羆一雄一雌至泮橋  
上學役獲之畜於鬻宮後逸去夏五月大風撤縣  
衙居民毀塌無數天啓三年癸亥秋九月獲白鹿  
於湖洲山知縣周維持範銀為牌銘曰國家禎祥命  
獵人納之大麓四年甲子秋七月瑞芝生於小欖  
國學生何贊侯南漪館壁六年丙寅夏四月米價  
騰翰林院編脩何吾騶時奉使回里捐米煮粥貴糴  
賤糶存活甚衆崇禎九年五月民大饑雷鳴初二  
國朝順治九年八月初一日五更地震響如雷鳴初二  
早又震九年八月三日颶風大雨潮田晚造田禾  
俱災傷無收穀貴民饑八月初六日寺前街猪母  
生仔人頭一隻眼頭上正生一角人身猪脚無毛  
九年十一月初九早梁子直破城殺官刳庫十三日

兵到剿平 十年正月  
起饑荒穀價每鄉斗一石銀  
一兩七錢民死甚多本縣煮粥賑饑穀價增至每鄉  
斗一石價銀三兩米一升銀七分五釐至六月民始  
甦 十一年二月初九日石岐河出血如線紅色  
出兩日 六月十七日夜戌時地震 十二年十月  
二十五日五更雷鳴巳時又鳴小雨午時大鳴二十八  
八早雷大鳴大雨十二月二十七雷大鳴  
晚雷大鳴大雨閃電

寺觀

無量寺在縣治東北

舊在縣東南五十步本劉中行宅乾道中掘地得鐵佛遂舍宅縣令范文林建蕭惠叔又捨銅佛一軀洪武中僧本廉徙於壽山下因寶慶寺舊址后廢永樂七年僧會祖重建嘉靖二年提學道檄教諭顏階毀銅佛鑄邊豆二十四以祀文廟七年遊僧重建

本寺田併寶慶廢寺田共九頃六十一畝有奇

仁厚坊民

以正等戶

元興廢寺在縣北海中浮虛山上

宋趙時縱始建真武堂見藝文志元大德中改為寺元末毀于兵火

田一十二頃三十畝有奇

大欖都民李日章等戶

西林廢庵在縣北一里蓮塘村

庵後有觀

田四十九畝有奇

仁厚坊民徐道慶戶

獨覺廢庵在縣東九十里東山村

宋端平中鍾俊龍戶田二十九畝

有奇

大字都民李呵蔡戶

城隍廟在大欖寨前巡司公署之左

鳳山古寺在小欖鳳山之陽其前為鄉約亭自昔講六箴于此

寶蓮寺在大欖

香山縣志

卷之十

八

普覺寺在小欖王官營祀南宗大禪師恩貢生何源道建

開元庵在大欖飛駝山落霞峰下

北帝廟在小欖何內閣建

靈佑康元帥廟在小欖詩社

西竹廢庵在香山場

元至正初鮑原遜建

田四十四畝有奇

恭常都民鮑勝安戶

龍歸廢庵在縣西南斗門村

宋紹興初建元末久毀

田二頃一十四畝

有奇

黃梁都民黃官保戶

西山廢庵在縣南鳳凰山西

宋咸淳三年吳成子建

田六十一畝有奇

恭常都民吳士廉戶

普陀廢庵在香山場後

宋咸淳五年周仁建元大德中縣令李玠重脩自為記畧曰昔

玠茲來辛三年政和民樂因農隙發險石伐翳木翼之以亭廬繪之以神像重脩殿庭夾室旬月落成父老來賀玠呼前語之曰是庵之建層簷飛空金碧炫目梅檀鬱蜜瑞氣縹緲山鳥間關空鳴谷應林花飛墜井冽泉甘地靈使然歟若等宦餘賦畢醉後逃禪引清泉而濯塵襟撫茂樹而坐終日一觴一詠亦足以游目聘懷暢適於斯得遂浮生嘉話回視夙昔風景何如哉是為記

田七十五畝有奇

大字都民劉三奴戶

香林庵在縣南十里小嶺山中崇禎年間僧慧融建嶺

產佳茶

白衣庵在縣北西林庵後山之巔崇禎年間建

衆母庵在縣城內東北豐盈廢倉舊址順治年間知縣

胡戴仁建田五十畝附無量寺畸畝戶內係僧慧信

自置後撥入

翠竹廢庵在縣南東山下樓前村元大德中黃節性建田二頃九畝有

竒四字都民林昆祐戶

建福廢堂有二一在縣海旁濠涌村宋紹興中陳進武建田五十二畝

有奇龍眼都民陳大奴等戶一在縣西北古鎮村宋紹興中黃巖要建田二頃三十

三畝有奇大欖都民陳俊祥戶

北極廢觀在縣東鎮撫司舊址宋乾道五年縣令范文林建淳祐癸卯主簿宋

邑之壯麗者也雨之禱朔節之拜必先焉余始抵任謁時觀其階級之崇嚴輪奐之弘敞景像不減于中州退見守者陳夢說曰若其功乎守者然辭曰明邑佐宋公史此字也初經營隘陋久廢不葺垂及百年內庭壓矣幾毀寶像兩無矣鞠為莽區門觀亦就頽而僅支耳惟三清殿巋然如魯靈光獨存益改造于嘉之新元而事力猶困餘示暇理也公見之惻然乃循舊址出新意增廣而壯麗之輟已俸為邑人先而邑之勇于好善者亦相與謀曰此為吾等植福基也蓋有以相其役歟故輸財而獻力者相屬木石山富工斷兩從向之壓者今巍然向之墟者今森然與夫就頽而僅支者俱煥然而一新加闢二

香山縣志

卷之十

九

殿左右對峙慈濟祠平東魁星位乎西庭壇儼肅百具整脩癸卯十一月始營而落成于甲辰之秋役踰時而民不知倦身督而政自理其他勤且敏皆類此不但匠而經畫之精緻也居無何謁余求記余知公廉強而明決且志達大異當且有欲燄可觀者夫祀祠更造民有依矣邑校易治士有養矣凡經營矩度皆所指授愈出愈新而各中其則其規矩力量可知也敬援筆記其大畧以諗後人公名之望字敬山甫之世科云

集真廢堂在縣東北丫巷宋紹興中劉必從建田五畝有奇龍眼都民劉進脩戶

顯真廢堂在縣北小黃圃村宋紹興中林仲芳建田二十九畝有奇黃旗都民

林得佛戶

天妃廢宮在河泊所前洪武中千戶陳豫建田八十八畝有奇四字都民韓二妃戶

康帥廢堂在縣西沙涌村元至元中杜季和建田六十七畝有奇良字都民李道蔭戶

忠勇廢堂在縣西小口村宋寶祐中阮能安建田三十一畝有奇都民阮景伯戶

洪聖王廢廟在海洲村元至正中袁元隆建田一頃二十一畝有奇都民林茂

遠戶

按宋乾道中縣令范文林始建無量寶慶兩寺及北極觀邑氓興起多建庵堂淫祠不可盡紀元季毀未盡者嘉靖初提學副使魏校盡毀之僅書其有田糧者以備攷爾

仙釋

陳仁嬌者漢廷尉臨之後也父玘母鄧氏自幼靈慧父  
母名之曰安自以仁嬌為字家人嘆異之嘗夢為逍遙  
游餐丹霞飲玉液乃寤不暝每思舊遊不可得至八月  
十五日丙夜忽有神仙數百從空招之仁嬌飄飄然隨  
衆謁於帝居遂掌蓬萊紫虛洞天歸而能飛至龍塘潭  
峽中與羣仙共戲釣於潭魚皆不腥可近呼鶴下啄之  
笑以為樂其儔侶五人曰瓊嬌玉潤伯山蟾姬伯瑰相  
與飛至深井踏石而歌明月漁人見之須臾凌空而去  
石上留屐痕焉人號其處為仙女澳又曰蓬萊仙云宋  
元祐中降於廣州進士黃洞家經略使蔣之竒傳其事  
唐圓明禪師姓陳福州人叅大滄得旨嘗遊五臺山觀  
文殊化現開寶中從樞密使李崇矩巡護南方因入院  
觀地藏菩薩像問僧云地藏何以展手僧云手中珠被

香山縣志

卷之十

十

賊偷却了也李乃謝之淳化元年示寂壽一百三十六  
歲後邑人建西林庵祀之  
真教禪師璿姓陳氏嘗對御陞座賜法果禪師號又奉  
旨住潭之道林寺唐咸通初從鄭僕射至廣州遂示寂  
焉  
黃懶者宋人也披剃為僧有異行竒術號黃道人居西  
村山因名其山曰黃道游龍歸巖跏趺而化弟子塑像  
於巖紹興中賜號惠慈普濟禪師邑人趙梅南於巖建  
祠以奉之  
許道人者泮沙許東齋女也幼有超塵之志父母禁之  
不可遂清齋入道先有魄石和尚創庵雲梯山號張道  
人庵至是脩而居之經年獨處常有虎衛其廬

藝術

官能者千戶所小旗也生有巧思成化間林良以寫花  
鳥擅名能欲抗衡乃精繪鱗鬣意愜飛動見者以為真  
焉士夫携縑楮詣門者無虛日  
詹師者北山人習廬山法術以符咒治病祛邪擲火鈴  
踏刀梯有神下之病者輒愈失物相誣閔者投銅錢沸  
油中常人手探輒得如挹清冷盜則灼爛變幻物態役  
使鬼神非止一端故老有能詳道之者

述聞

舊志載地隱曰吾邑荒薄物產不足以充錫貢然有二  
害焉其一恭常都鷄拍村銀涌角宋初產銀官取上供  
屬廣州宜祿場大觀中廣東廉訪使黃烈奏言鑛內苗  
脉微甚而浮沉之人以納官為名發毀民田騷動遠近  
詔罷宜祿場令官封之違禁者誅逾三十年人無敢發  
者正德中順德豪民勾引勢家糾集逃叛及白水徒賊  
偽奉朝旨執照乃開鑛採煎村民初猶拒之其後力不  
能勝盡被屠戮而淫其妻女使供炊爨嘉靖甲辰苗脉  
已盡賊徒乃散然其地鷄犬桑柘亦俱盡矣其一邑南  
海中三竈山有田三百餘頃極其膏腴甲於一方在宋  
為黃字上下圍元時海寇劉進據之洪武初屬黃梁籍  
居民吳進添通番為亂二十六年都指揮花茂奏討平  
之悉遷其餘黨詔虛其地除豁田稅永不許耕歲令官

香山縣志

卷之十

十二

軍千人防守正德中南海勢家以新會虛稅影占亡命  
之徒附之招合猺獐立為十甲聚眾盜耕嘉靖十五年  
該都里排贖為己業已而有錢備者素通番舶倚強占  
奪里排無如之何分上下圍管業而閩擾今猶未息有  
司丈量餘田歸官復為勢豪侵據號召海寇大為民害  
焉

舊志載吾邑山林川澤之阻虎狼虺蝮雖或害人然毒  
莫如一葉入口百竅潰血人無復生邇來品彙益盛花葉  
益異山中在在有之冤民將取以毒人則抬搖若舞狀  
真妖物也或有私怨者茹之呷水一口則腸立斷或與  
人鬩置毒於食以斃其親誣以人命者有之知縣鄧遷  
嚴加禁約後得少俊云戊子間有署縣羅明夔者雲南  
己卯解元於崇禎十七年任鎮平令戊子春署香山縣

事諗知胡蔓草之毒徃徃為奸人籍以挾詐愚民痛禁  
之下令曰凡有以事告理者人取胡蔓草數十本左携  
草右挾詞然後得進遂積而焚之四郊遠近搜羅殆盡  
藥鬼者愚民造蠱圖利取百蟲置器中經年視獨存者  
能隱形與人為禍隋志載其法以五月五日聚百種蠱大者至蛇小者至虱合置器中令自  
相啖餘一種存者留之蛇則曰蛇虱則曰虱蠱行以殺人因食人入腹  
內口其五臟死則其產移入蠱主之家三年不殺人則畜者自種其弊累  
子孫相傳不絕有隨女子嫁焉凡屋宇淨無塵網  
者即其鬼所為也又名挑生於飲食魚肉果菜皆可入  
人 害者胸腹攪痛十日其蠱能動腫脹如甕九孔  
流血而死永樂初縣丞彭豫懲數家於法然負郭及諸  
鄉村尚或有之嶺南衛生方治胡蔓草毒急取抱卵未生鷄兒細研和以清油幹口灌之乃吐  
而甕其蠱毒挑生在上兩者瞻替五分投在一口熱茶內候溶化服之以鷄翎  
攪喉令吐在下兩者鬱金水二錢飯  
湯調下即瀉出惡物又有麻藥寘酒中飲後昏不知財物  
皆被奪去久而後醒凡蠱毒麻藥今皆無有惟胡蔓草  
尚有存者附錄於此

十卷終

香山縣志

卷之十

十三